

اداره مخصوصه

درسعادتده ياب عالی جوارنده

محل اداره :

مستطابق

۱۳۲۶

اخطار :

مسلكنزه موافق آثار جديده مع المنوئيه
قبول اولنور
درج ايده ياب آثار اعاده اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن
بحث ايدر و هفته ده بر دفعه نشر اولنور.

درسعادتده نسخه سى ۵۰ پاره در

صاحب و مؤسسارى :
ابوالعلا زين العابدين — ح. اشرف اديب

تاريخ تأسيسى

۱۰ تموز ۳۲۴

قبراه دن مقوا بورو ايله كوندربليوسه سنوى
۲۰ غروش فضله آلتير

آبونه بدلى
سنه لكى ۸۰
هر طرف ايچون ۴۰
القي آيلنى غروش

چين حدودنده اقامت ايدن و برای سياحت اخيراً دارالخلافه يه کلن اسلام علما و محرر لرندن سيريالی ولی الله انوری افندی حضرتلری قارلر مژدن بولنق حسیله اداره خانه منری تشریف و « فلسفه اسلامیه » ، « تذکره مستوره » ناملرنده کی ایکی معتبر اثرلری رساله نامه اهدا بیوردیلر . جغرافیایه دائرده بر اثر یازمشلردر . عالم اسلام و اسباب انتباهی حقنده اوزون اوزادی یه کوروشو . لدی . بورایه کلزدن مقدم چینه کیده رک اورا مسلمانلری حقنده تدقیقات و تبعاتده بولونقلریخی سویلدیلر . وخیلی تفصیلاتده ویردیلر . بومعلومات - ذاتاً بتون دنیاده کی مسلمانلرک احوال و حیاتی ، معیشت و عاداتی و بتون شئون مهمه اسلامیه یی احتوا ایچون آجدیغمز - « عالم اسلام » قسم مخصوصنه تعلق اولدیغندن مشاهدات و تدقیقات واقعه لرندن بزی دخی مستفید ایللریخی رجا ایتدک . لطفاً قبول ایله آتیده کی مقاله یی اتخاف بیوردقلری کی ، بعدما اورا احواله دائر پیدری اعطای معلوماتی دخی وعد ایلدیلر . جناب حق بویه تعالی اسلامیت غیر تپورلری مسعود و مرزاد بیورسون .

چین مسلمانلری

قیرغیزلر (قازاقلر) :

بعض خصوصی ایشلرک سوقیله بن بالذات چین مملکتنده واقع غربی مونغولییه ده ساکن قزاق اقوامندن کورچر قونار « قیرغیز » طائفه سی ایچنده « آباق کرای ، قبائلی آراسنده بولوندم .

[« قیرغیز » لر کنندیلریخی « قازاق » دیه طانیورلر ، قیرغیز دیه یی اصلا قبول ایتمیورلر . بن ایسه بومقاله مده « قیرغیز » تعبییریخی قوللانیشم ، غلط مشهوره اتباعأدر .]

بوقبائلك قبیله جه انقسامندن ، محل اقامتلرندن ، و اخلاق و عاداتلرندن برآز معلومات ویرمکی مناسب کوریورم .

« آباق کرای » قبائلی « اویسون » قبیله کیرده سندن منشعب ۱۲ قبیله یه منقسم اولوب ، بیوکلری « جانتاقای » و « جادوق » قبیله لری در . جمیع قبائل ۳۰،۰۰۰ خیمه مقیدارنده اولوب بوزلرک ۷،۰۰۰ ی « جانتاقای » ، ۲،۰۰۰ ی « جادوق » ، باقیسی ده دیگر قبیله لر در . جمیع قبائل تخمیناً ۱۲۰،۰۰۰ نفوس مقدارنده در . بوقبائلك تکثر نفوسده اولان ترقیسی خارق العاده در . مثلاً « جانتاقای » قبیله سی رئیس چین اصولنجه رتبه سنه « آمو » [قائممقام] تعیر ایدرلر . اسمی ایسه مامی میرزا بن یورطبای میرزا (۵۲ یاشنده) بن کوکان بن محمود بن بازارقل بن ایسانتای بن سایی محمد بن سوییمبای بن « جانتاقای » بن یچورا بن باغانانی بن بایلاو بن آدابیرکن (الله ویرمش) ، بن آباق کرای در .

دیملک که مامی میرزادن آباق کرایه قدرکچن ۱۴ بطنده برذاتک نسلی بالاده سویلیدیکمز ۱۲۰،۰۰۰ نفوسه ایریشمشدر . « جانتاقای » اولادی ایسه ۹ بطنده ۲۸،۰۰۰ نفوسه بالغ اولمشدر . بوايسه محیر العقول بر تکشدر .

بو طائفه نك اسکی بابالری آسیا قطعه سسنده « آرال » کولی ایله « جاییق » (اورال) و « صیردریا » نهرلری جوارنده یاشامشدر . او جوارده کوچوب قونوب اوتلاقلده حیوانلر بسلیه رک اورال طاغی جوارنده اولان « باشقیر » لر [بو طائفه تاریخلرده « باشجرد » و « صقالبه » نامیله ذکر ایدلمکده در .] و بمضاروسلره هجوم ایله یفماجیلک ایدوب کاه غالب اوله رق حیوانلر و اسیرلر کتیرمشلر و کاه مغلوب اوله رق

مقنول دوشمشلر ، بک چوق اسیرلرده براتشلردر . بوسبیدن قیرغیزلر آراسنده بک چوق کوچک قبیله لر واردر که بوکونه قدر انلر اسکی قومیتلری نامنده طانیله رق دخیل (سوکرادن داخل اولمش) اولدقلری حالده کچیلر . همده باشقیرلر ایچنده قیرغیزلر اولدیغنی و آنلری باشقیرلر حالا « قازاق » دیه طانیدقلری معلوم در .

قیرغیزلرک محل آسایش حاللریخی روسلر کوروب آنلری جدی صورتده تعقیبه باشلاقلری زمان قیرغیزلر غیر مسکون صحرا ده کوچه قونه چین حدودینه صاووشمشلردر . قیرغیزلرک « کنیه صاری » نام رئیسلری روسیه تاریخنده بک معلوم در .

بو طائفه ایچنده الی سنه مقدم اسلامیت بک ضعیف ایکن شیمدیکی حالده محکم یرلشمش و بک درین طمرلر صالمشدر . الی سینه مقدم نماز قبلان آدمیه « فازه آولایور » دیه اکلمنکلری حالده ، حیوانک بوغاز قانی قاووروب یدکلری حالده ، شیمدی حیوانک باشنی دیشیله پیشیرمه یی بیوک کنه عد ایدیورلر . تعدیل ارکان ایله اولماسده اکثریتله نماز قیلورلر ، حیوانلرندن هر سنه زکات ویریورلر ، زکات ویرمینی تمییب و تقییح ایدیورلر ، زکاتی ایسه اکثر اهل علم عدایتدکلری منلار ویریورلر . لکن قیرغیزلر آراسنده اولان منلارده قیرغیزلردن ایلری دکلدرلر . ذاتاً اول مبارک ذاتلرکده خدمتی قیرغیزلرک قویوتی کسیدروب بک و صدقه طویلامقدن ایلری کیده میور . اوکی منلارندن قیرغیزلر هیچ برخامات ملیه کوره میورلر . ذاتاً او منلار کنندیلری ده حسیات ملیه و مقتضیات زمانیه دن بی بهره درلر .

قیرغیزلر فوق العاده مهمانپوردرلر . اگر برخیمه یه ایکی مسافر کلسه برقیون یاخود برکچی کسمک عادتلری در . مسافره « خدایی مهمان » تعیر ایدرلر .

سیریالی : ولی الله انوری مابعدی وار

تستره رعایت

استانبول ولایتندن :

شعائر جلیله اسلامیه و عادات مستحسنه دینیهدن اولان قاعده تستره بعض نسوان اسلامیه طرفندن حقیله رعایت اولغدیینی کوریلوب ایشیدلمکده اولدیغنه و شرع شریف احکامنه مغایر بولسان بوکی مبالانسزلقلرک خصوصیه متقرب الحول اولان شهر رمضان مغفرت نشانده وقوعی اصلا تجویز اولنهمیه جفغه بناء مخدرات اسلامیه نك قاعده تستر و محفوظیته اعتنا ایله چارشو و بازارده آجیق صاجیق کشت و کذازدن اتقا ایلملری لازم کله چکی و عکس حالده ولیلری حقنده تعقیبات قانونیه اجرایی مقرر بولندیینی داخلیه نظارت جلیله سندن اشعار اولنهمیه بوبابده معاملات لازمه ده بولنق اوزره جهت ضابطه یه تبلیغات ایفا قلنمش اولدیغنك اعلا ننه ابتدار ایدلدی .

مدیر مسئول : اشرف ادیب

احمد ساقی بک
مطبعه سی